

豫章叢書

第四冊

豫

章

焚

書

卷之四

陳節愍公

奏稿

己未仲夏刊
於南昌退廬

陳節愍公奏稿目錄

卷上

上河南淪陷安集討賊疏

求實用擇人疏

討奸疏

去奸疏

遵諭條陳機宜疏

防奸遠謀疏

守城要着疏

補陳募士法疏

附錄
兌標還商疏

陳請假兵勦虜疏

真戒保全疏

募義條奏疏

條議請旨疏

抽換戰兵疏

再三陳請巡邊勦虜疏

請發馬匹疏

陳機宜授方略疏

再陳管見疏

抵通措置疏

卷下

請餉速解疏

哨探疏

據塘稟節述上聞疏

在通布置機宜疏

謝恩疏

請選官聚民疏

緊急夷情疏

關門內外兼防疏

永平駐兵選司疏

虛公酌留疏

欠餉疏

奉巡東協情形疏

界嶺失事情形疏

上宏光疏

附錄

遺招撫書

倡義檄

陳節愍公奏稿卷上

新昌 陳泰來 譔

上河南淪陷安集討賊疏

爲大梁淪陷守令無城當速講權宜以收拾人心事
臣聞賊之蹂汴也破一城卽盡其城而毀之其無大
志奸謀於此畢見故臣昨冒昧具疏以爲非賊之利
然賊之設心以爲城郭不存則守令不能露處無守
令而民散雖欲不從我不得也度今無怙無恃之民
必有代耕而贖糧者始雖迫于無可奈何恐習而安
之莫知其非矣中州古戰爭之地人無定志椎埋發

塚之徒不乏飛揚跋扈之態今歲賢書停試得無儒服跼心藉口朝廷之將終棄我簣鼓凶愚而不逞爲快者則收拾之方不可不早爲儀圖也然收拾之人莫過守令方今郡縣板蕩遍地皆賊銓除一官俛俛安往況民心旣搖卒難還定我后我仇皆不可知倘賊以小恩小惠結之慮其樂有賊而不樂有官耳興言及此殊可寒心此時權宜之計臣愚以爲當速下討賊之詔宣揚皇上德意不忍無辜百姓陷于塗炭之中務極痛切以鼓同袍同澤之思不拘何色人等有能出奇制命衆心共服者許其自効便宜殺賊立

一堡卽爲一堡之長復一邑卽爲一邑之牧榮之官帶賜以關防本處錢糧聽其供給掃蕩之後準以軍功延世如此則家自爲守人自爲戰滅賊之機此關甚大也或有難臣者曰中州土寇比比而是若如所言倘有魁桀者出因之爲僭擬割據之資是教之逆也臣觀揚雄之言曰御得其道則天下狙詐咸作使御失其道則天下狙詐咸作敵皇上赫怒安民必與大師必擇大將天威所臨莫不震疊軍中有長子操縱自能如意況夫豪傑之士在不違其富貴之心棄而不用卽作賊收而用之卽捉賊此二語者雖萬世

不易也若畏首畏尾三思不決機槍未掃能禁彼之
不自雄耶臣入都來伏見奸邪屏跡正直同升輦轂
之下似有太平氣象然盜賊不滅則加賦未已民膏
既竭愁怨不銷謂邦畿而外已治已安猶有待也故
不敢溢頌休明輒復妄陳愚瞽併乞皇上採擇而熟
籌之臣不勝悚息候命之至

崇禎十五年十月二十日具題十一月初五日奉旨
河南殘破州縣正當遴選循良多方安集豈容權宜
設官該部知道

求實用擇人疏

爲口寇方張中外並急薊督須求實用楚撫更宜擇
人事頃者奴騎之來捷如風雨督師范志完謹請復
設薊督朝廷之上亦皆謂薊督不容不設矣蓋敵在
門庭邊臣呼而不應恐其藉口也及問可爲薊督者
誰則趙光抃也光抃忠義勇敢一時之選誠無出其
右者卽光抃亦罔敢退靡然薊督者督師之兼官也
今兩督並設則三協以迄關寧將分信異權乎抑齊
驅並駕乎若撫道若鎮將聽督師之調度乎十羊九
牧懼以牴牾開罅誤機也如謂一禦奴於關外一禦
奴於三協則兩督須各有標兵乃關前兵六萬旣以

四萬守五城矣其二萬但報招募今果已足數乎卽足矣曾訓練可用乎倘仍子虛恐倉卒難立辦也薊標三萬之兵曩徒有三協一萬五千秦兵一萬二千通州三千名色今卽以爲實有此數然三協之缺額者仍當還之三協通州兵不滿二千則此三千亟須防通白廣恩又將秦兵五千駐關外是薊督止餘客兵七千也七千兵可以無所不備乎况逍遙逃散戶籍空存乎若併此七千帶之出關則薊督僅一官矣皇上若用光抃必授之以柄假之以兵使有可展布之地然後實收臂指之功如好官人自爲之至於孔

亟藉之分過亦大可惜也臣前疏慮秦督孤軍必敗
今竟失利豫事方不可爲全在收拾楚疆而後豫可
漸圖然楚之憂不可一端盡必沉幾好謀乃克勝任
非孟浪鹵莽之可以嘗試也詢之諸臣亦曰必光抃
乃可而其肯綮亦惟光抃實能縷晰之他人尙未了
了此兩者俱目前最急之事而但有一應急之人惟
皇上考愼而審慮之邊圉腹心皆皇上封疆也若今
日軍旅之臣平素但肆虛恢臨敵疾爲呼籲其爲將
伯之助巧卸之方皆不可知但此等伎倆人人而是
果誰爲皇上同憂辱者臣挑燈草疏不覺泫然泣下

臣狂愚慙劣不勝激切悚皇之至

崇禎十五年十一月初八日具題本月十四日奉旨
薊督應設范志完先經再疏匪因遇警方請趙光升
已有旨了狡氛狂逞關前事屬同功着協力詳籌共
圖勦扼其原額標兵及目前作何調遣策應俱聽光
升整率料理務與志完呼吸犄角聯絡互援不得執
分彼此楚撫亟宜擇人卽着核議速奏該部知道

討奸疏

爲元良喜起王道蕩平乞彰大權以正人心誅大奸
以維風俗事昔者先王知天下之不可一人治也博

求賢哲以佐理之乃天亦卽鑒觀其愛民之心多爲
儲蓄以給其求讀皇唐虞夏之書元愷岳牧五臣十
亂皆得師濟當時聲施後世不嫌其朋之衆而道之
同也漢唐之季冲主暴君惑於羣小而龍門仙舟之
號顧厨俊及之稱皆足以速清流白馬之禍矣由是
觀之凡敢倡爲黨人之說者謂其君不能爲堯舜者
也皇上生資文武天祚聖神仁義並行而賢奸立判
聰明不作而邪正自分頃復盡洗煩苛一崇敦大老
成舊德共耀光明薄海內外無日不想望異政不謂
媚璫遺逸耽耽翻局撰爲二十四氣之謠遍布長安